



En ina discussiun al podium han represchentantas e represchentants da la comunicaziun, l'economia e las medias gì la chaschun da dilucidar quest tema da differentas perspectivas.

MAD

«Womenomics» 2014

■ (cp) **Suenter in'entschatta reussida avant in onn ha gì lieu per la segunda giada l'occurrenza comunabla da l'Associaziun dunnas da fatschenta Svizra e la Banca Chantunala Grischna (BCG) a Cuira.** In podium suenter dus referats curts interessants ha dà la chaschun da discutir a moda cuntraversa davart la qualificaziun da dunnas per posiziuns da cader. Grazia a cumpetenzas professiunalas ed ideas cleras s'avanzan dunnas adina pli fitg en posiziuns ch'eran fin ussa resalvadas ad umens. Ozendi han dunnas uschè bunas schanzas da far carriera sco anc mai. E tuttina:

A la testa da fatschentas dominantas èn mo paucas dunnas. L'occurrenza comunabla da la Banca Chantunala Grischna e l'Associaziun dunnas da fatschenta Svizra vul motivar dunnas da prender a mauns sfidas al plaz da lavur e trair a niz complettamain pussaivladads professiunalas.

Nizzegiar meglier il potenzial da dunnas da cader

Klaus J. Stöhlker e Mirjam Staub-Bisang han fatg valair a l'occurrenza puncts da vista cuntravers areguard la qualificaziun da dunnas sco scheffas. Fertant ch'il cus-

segliaader da PR ha polarisà cun discurrer da «dunnas exemplaricas e dunnas per il star bain» en posiziuns da schef vesa l'interpretidra ambiziusa bler potenzial feminin sin il plaun da cader che pudess vegnir tratg a niz meglier.

En ina discussiun al podium han represchentantas e represchentants da la comunicaziun, l'economia e las medias gì la chaschun da dilucidar quest tema da differentas perspectivas. La part uffiziala da l'occurrenza è ida a fin cun in sguard retrospectiv da *Clivia Koch*, la presidenta da l'Associaziun dunnas da fatschenta Svizra.